

Als er flöppet an synr eyggen tür  
So künd wißheit nit helffen für  
Nyemans was der in kenne künd  
Im ganzen hoff/alleyn die hund/  
Vnd starb dar vmb/das man nit wolt  
In kenne/als man billich solt/  
So mit kum ich vff vnser für  
Wir süchen gwynn in dieffen mür  
Des würt vns bald eyn böse rür  
Dan vns bricht mastboū/sägel/schnür/  
Vnd künne doch im mer nit schwymmē  
Die wällen sint böß vff zū klymmen  
Wann eyner wānt er sitz gar hoch  
So stossent sye in zū boden doch  
Der wyndt der tribt sie vff/vnd nyder  
Das narren schiff kumbt nym har wider  
Wann es recht vnder gangen ist  
Dann wir hant weder synn noch lyst  
Das wir vß schwymmen zū dem stad  
Als det Vlysses noch sym schad  
Der me brocht nacktet mit im vß  
Dann er verlor/vnd hatt zū huß/  
Wir faren vff vnfalles schlyff  
Die wällen schlagent übers schyff  
Vnd nāmen vns vil Galeoten  
Es würt an die schyfflüt ouch geroten  
Vnd ouch zū letst/an die patron  
Das schyff dūt wüst inn schwānckē gon  
Vnd möcht gar licht eyn wyrbel synden  
Der schyff/vnd schyfflüt wurd verslyndē



mit  
man  
hoh  
in  
Ei